



Jens-Frederik Nielsen, Demokraatit
Inatsisartunut ilaasortaq
inatsisartut@ina.alla.gl

Tunumi mittarfiliortiternissap Pillugit § 37 naapertorlugu apeqquteqaammut 2022-105-imut akissut

27-05-2022
Suliaq nr.: 2022 - 11098
ID. nr. 76360985

Asasara Jens-Frederik

Inatsisartut suleriaasianni § 37 naapertorlugu Tunumi mittarfiliortiternissat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Nunap immikkoortortaani Tasiilami mittarfiliornissaq sumut killippa?

Akissut: 2015-imi Ukiakkut Ataatsimiinnermi mittarfiit qulit misissuiffiginiarlugit Inatsisartut aalajangerput. Tamanna tunngavigalugu misissueqqissaarnermik annertunerusumik suliaqartoqarpoq, taannalu Ukiakkut ataatsimiinnermi imm. 27/2020-p suliarineqarnerani saqqummiunneqarpoq. Tasiilami aamma Ittoqqortoormiini mittarfissat inuiaqatigiit aningaasaqarnerannik naliliinerit tunngavigalugit erngerluni inassutigineqarsinnaasut misissueqqissaarnermi inerniliutigineqarpoq.

Maannarpiaq Tasiilami aamma Ittoqqortoormiini mittarfissat nutaat marluk pilersaarusiornissaannut piareersaatit Naalakkersuisunit suliarineqarput. Mittarfiit aningaasalersorneqarnerini aningaasaleeriaaseq marlunnut avitaaq, sanaartornermut atorneqartoq tunngavigineqassaaq. Taamaattumik aallaqqaammut pilersaarusiornermut aningaasaliissutissanik immikkoortitsisoqassaaq. Ukioq manna aningaasaliissutissanik *kontomit pingaarnemit 87.11.09 Assartuussinermut isumalioqatigiissitaq – misissueqqaarnerit* atugassanngortitsinissamik qinnuteqartoqarnissaa Naalakkersuisunit naatsorsuutigineqarpoq. Tamatuma kingorna pilersaarut naammassisaq tunngavigalugu mittarfiit sananeqarnissaannut aningaasaliissutissat inaarutaasut inissinneqassapput.

Taakku saniatigut § 37 naapertorlugu apeqquteqaatinut, nr. 2022-028-mut, kiisalu 2022-103-mut akissutit takukkit.

Apeqqut a. Naalakkersuisut qaqugu naatsorsuutigaat tamanna pillugu partiinut inuiaqatigiinnullu paasissutissiisallutik?

Akissut: 2022-p ingerlanerani pilersaarusiornissamut ilassutitut aningaasaliissutissanik qinnuteqartoqarnissaa Naalakkersuisunit naatsorsuutigineqarpoq.

Apeqquut 2. Nunap immikkoortortaani Ittoqqortoormiini mittarfiliornissaq sumut killippa?

Akissut: Apeqquut 1-imut akissut takuuk.

Apeqquut a. Naalakkersuisut qaqugu naatsorsuutigaat tamanna pillugu partiinut inuiaqatigiinnullu paasissutissiissallutik?

Akissut: Apeqquut 1. a.-mut akissut takuuk.

Apeqquut 3. Naalakkersuisut Tunumi mittarfiliornissanut tunngasunik allanik paasissutissiisinnaappat?

Akissut: Akissuteqaammut allanik ilassutissaqanngilanga.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Erik Jensen